

5

facere conata est. Tangit ulcera & coëunt, cum morbo loquitur, & recedit; iminatur igni, & quiescit.

Hæc deniquè tantùm fide falsâ affectare visa est; quantum veram verè credentibus fidem dare posse, divinum effatum est. Illud quippe cum Pyropo commune superstitioni est, ut, sicut ille ignis nomen habet & speciem à se frigidissimus, ita hæc quamvis impiissima, pietatis nomine & specie nobis ubiq; imponat.

Hanc igitur superstitionem per vices variè variè adorti sunt, & nuperrimè meo iudicio, magnam ipsius partem, eruditissimus Heinius, doctissimâ de probatione per ignem & aquam Oratione, deterfit & detexit. Cui ego succenturiatus, ex illius censu illam protraham probationem, quæ provocatione ad divinum Tribunal constat, & in veræ fidei & Christianæ innocentie experimentis hætenus non infima est habita. Quæ qualis sit, & quàm deceat Christianos, hoc discursu eruere est animus.

Multis ergò retrò seculis frequentatum fuit, & miseri illi, quibus honores, opes aut vitam injusti ademit iudicis sententia, vel potentioris contentio, quandoquidem sibi nulla alia contrà potentiam opprimentium restaret appellatio, multoties ad summi Iudicium Iudicis Iudicium & Tribunal provocarent, & evocarent potentiores. Eam citationem, quæ ad certum sæpè diem, sæpè die non definito dicam scripsit iudicantibus, frequenter

A 3